

Brčko poduzelo odlučan korak prema boljoj budućnosti, ali ostaje još puno toga za uraditi



Prvi zamjenik visokoga predstavnika i supervizor za Brčko Michael Scanlan pozdravio je današnje usvajanje Zakona o proračunu kojim se uvodi transparentan proračunski proces, kao i upućivanje naloga javnom poduzeću “Putevi Brčko” za korištenje obilnih resursa koje Brčko ima na raspolaganju za popravak mosta Brčko-Gunja.

Kao što je supervizor više puta isticao, vlasti Brčkog imaju i instrumente i resurse kako bi osigurali svijetlu budućnost za Brčko. Jedino pitanje je jesu li spremni raditi u interesu brčanske zajednice. Ove godine, kao i danas, svjedočili smo koracima koji nagovještavaju da vlasti žele preokrenuti sedmogodišnji negativni trend upravljanja koji nagriza povjerenje građana i investitora u organe Distrikta, a time i perspektivu dobroga života u Distriktu.

Ostalo je malo vremena za organe vlasti kako bi ostvarili ovu pozitivnu priču, budući da građani Distrikta sve više odlaze tražeći uređen život koji nudi Europska unija zahvaljujući dobroj upravi, vladavini prava i meritokraciji, gdje uspjeh ne ovisi o prijateljskim ili obiteljskim vezama. Moguće je stvoriti takvo pravedno okruženje i u Brčkom, ali to birači moraju zahtijevati i za to tražiti odgovornost svojih

izabраниh dužnosnika i državnih službenika, umjesto da pristaju, kada dođe vrijeme izbora, na male, kratkoročne koristi u zamjenu za svoj glas.

Ono što smo imali priliku vidjeti u proteklih nekoliko mjeseci tek je početak. Ako su vlasti Distrikta zaista posvećene budućnosti Brčkog, onda ćemo na proljeće vidjeti građevinske radove u Luci, radove na mostu, provedbu inicijative potpisane između Vlade Brčkog i STUDEN Holdinga kojom će se poboljšati javne usluge za poslovanje te ubrzano usvajanje novog i transparentnog zakona o udrugama i fondacijama, i mnogo, mnogo više.

Kao što je supervizor mnogo puta naglasio, ukoliko vlasti zadrže ovu dinamiku reformi, međunarodna zajednica će pružati potporu u svakoj fazi. Ali ukoliko se reformski naponi vrlo brzo ne prošire, onda će trebati preispitati potporu međunarodne zajednice Brčkom. Godina 2020. je odlučujuća za Brčko Distrikt.